

清園統纂外支史精

卷之九
十

卅

清宣統朝外交史料卷十

宣統元年九月至十月上

目錄

駐藏大臣聯豫致樞垣請飭川邊撥兵接應入藏之兵電

九月初一日

錫良程德全致外部安奉路地稅可否援東清路豁免乞示電

初一日

外部致錫良程德全安奉與東清不同不能豁免地稅電

初二日

陳昭常吳祿貞致外部日諭延吉韓戶懸掛韓旗可否禁止請示電

初四日

外部致高而謙澳界事葡所爭在海權不在荒島希堅持電

初八日

使俄薩蔭圖致外部德報謂俄戶部赴東考察鐵路擬將東清路售

歸日本特無確證函

初十日

川督趙爾巽致樞垣藏事請商英俄兩使勿干預電十一日

外部致俄使廓錦齊鐵路借款事係中國內政他國人不必過問函

十一日

錫良程德全致外部日伊藤來游東省謹陳晤談情形函

附語錄十五日

使義錢恂奏外交應付宜合各國而統籌全局謹陳各國外交情形

摺十五日

吉撫陳昭常致外部謹陳到延吉查勘後籌辦各節電十七日

外部致英美使稅契加價應華洋一律辦理希飭駐粵領事遵辦照

會十九日

東督錫良致外部日領帶警察到延吉乞詰日使照約裁撤電

二十日

使比李國杰致外部譯呈比國照會歸併剛果文

附條約二十二日

直督陳夔龍東督錫良奉撫程德全咨外部英使請停紙煙運出東

三省釐金礙難照辦請查核文

二十四日

趙爾巽趙爾豐致樞垣藏番調兵攔阻懇示機宜並請派員面諭達

賴誠附中朝電

附旨三十日

閩督松壽致外部法收越南華僑身稅請設法免除電

十月初一日

郵部奏吉長鐵路借款如數收訖從速興工片

附新奉合同及憑據還付表初二日

澳門勘界大臣高而謙呈外部澳門劃界葡使奢求祇得停議請旨

定奪電

初二日

外部覆高而謙葡使去志既決須與言明應守十三年約維持舊狀

電初三日

吉撫陳昭常致外部延吉現到日警五十餘名請查核電初三日

外部致英美德奧各使鈔送中俄東省鐵路公議會大綱照會附公

議會大綱初三日

美署使費致外部安奉沿線鑛務是否祇准中日兩國開辦照會初

四日

使美伍廷芳奏由秘起程旋美日期及在秘辦理交涉情形摺初五日

使美伍廷芳奏祕國工黨焚掠華商已列單索償片初五日

使英李經方咨外部華僑余明佑被義人刺死已將義兇按律縊死

文初七日

駐藏大臣聯豫溫宗堯致外部達賴調兵抗阻開導無效已飭鍾穎

從速前進電初九日

阿根廷國駐滬總領事林布鹿致外部請訂商約照會初十日

外度郵三部奏東省借款築路事關重大遵旨統籌全局摺十二日

錫良程德全致外部安奉路造橋事請仍歸京議電十三日

錫良程德全致外部日人猛速興築安奉路於撤兵警等事一味延

宕函十五日

外部致日使伊集院安奉路相關各事請飭一律議結照會十七日

日使伊集院覆外部安奉路相關各事敝政府不久有回示照會十

九日

英使朱邇典致外部土貨由東省經天津等埠出口請按海關現行

章程納稅希核覆照會二十日

清宣統朝外交史料卷十

男希隱亮編

黃巖弢夫王彥威輯

孫孝章敬立校

駐藏大臣聯豫致樞垣請飭川邊撥兵接應入藏之兵

電

十四日恭奉初十日電旨有傳知統領鍾穎相機驅剿之諭各等因欽此查藏番調兵分赴江卡察木多及江達西之鹿馬嶺墨竹工等處攔阻等情察以東邊軍可作後援察以西則千人勢孤當卽電商川督請其酌度具奏豫前與川督邊務大臣往返電商擬令由德格新路繞至

察木多再入三十九族繞出拉里去江達五站江達去藏八站自應由豫處派兵迎護惟新練一營信守日淺恐未可恃據豫愚見擬請旨飭川督邊務大臣速撥邊軍三四營作爲入藏川兵之接應以壯聲勢如至拉里卽與鍾穎一同入藏不必遣回較勝於招練土兵約計軍餉五十萬當可敷用再達賴於八月初三日抵哈拉烏蘇二十五日抵埒徵寺聞十月間方回藏豫現又派員往接去藏僅三日程而遲遲不歸想必有意謹乞代奏請旨聯豫叩二十八日九月初一日西藏檔

錫良程德全致外部安奉路地稅可否援東清路豁免

乞示電

安奉鐵路購地章程正與日人逐條磋商大致可望就緒惟稅契承糧

兩節日人堅持不允以中俄東清鐵路第六條款不納地稅云云爲駁詰查安奉鐵路與東清鐵路性質不同東清係中俄合辦由我給予官地不納地價民地則照章給價其地稅自應奏請豁免今此路顯然兩途不納地稅似難准行惟日人自稱亦明知應納地稅但援最惠國利益均霑之說再四要求可否准予按照東清鐵路章程豁免之處應請鈞部酌核電示遵行不勝盼禱良全三十日九月初一日安奉鐵路檔

外部致錫良程德全安奉與東清不同不能豁免地稅

電

三十日電悉安奉路與東清路性質不同所有地稅自不能援引豁免仍希轉飭與日人妥爲磋商爲要外務部九月初二日安奉鐵路檔

清宣統朝外務部史料卷一
陳昭常吳祿貞致外部日諭延吉韓戶懸掛韓旗可否

禁止請示電

頃據和龍峪事務員稟稱現在各處韓民接奉六道溝統監派出所日官傳諭本月初六七日齋藤偕同日本領事來此飭各韓戶懸掛韓國國旗請示核辦前來查界務既經解決此地係我完全領土如日本僑民懸掛日旗我自難於禁止今若任雜居韓民一律懸掛韓旗則韓旗徧境未免於我主權有損可否禁止之處未敢擅專請鈞核示遵昭常祿貞支九月初四日延吉邊務檔

外部致高而謙澳界事葡所爭在海權不在荒島希堅
持電

澳門勘界事准駐法劉大臣函呈葡外部屢次提及謂兩專員久議無成勢難長此相持須令馬沙鐸到北京商議或交公斷且言若中國既不肯退讓又不願公斷則葡國迫不得已惟有將澳門送與他國類似戰言實有他意詢其所爭之點彼謂在海權不在荒島等語特密聞仍

希始終堅持爲要外庚九月初八日澳門檔

使俄薩蔭圖致外部德報謂俄戶部赴東考察鐵路擬將東清路售歸日本特無確證函

俄戶部大臣谷高采甫前來東方查察鐵路情形昨經肅電達部日前森都言報轉登莫斯科聲音報所載得有專電稱德國各報論及此次俄戶部大臣遠東之行謂其宗旨在與日本解釋從前彼此誤會各端

並擬將東清鐵路售歸日本等語蔭圖以此事與中國所關至鉅即經
詳細探訪其售路之說殊無確證旋接戶部來函稱按照東清鐵路公
司章程俄政府擔保該路股本及入款自應有稽查之責本大臣現奉
國主諭於俄歷九月底前往東方惟因時日短促但就主要各段查察
情形擬至滿洲里綏芬不往哈爾濱以南等語其聲明各節似係因報
章之言藉以解剖疑竇然竊料此行與鐵路公司近來所辦事宜當有
關繫非泛然游歷者比蔭圖當隨時密探俟有所聞再行布達專肅敬
請鈞安伏惟垂察薩蔭圖謹肅

九月初十日東省鐵路檔

川督趙爾巽致樞垣藏事請商英俄兩使勿干預電

接聯豫初一日電據密探稱達賴在埒徵寺名爲坐靜實候赴俄人回

信且帶有俄國勇裝者二十四人並俄五子鎗千枝等語藏中則趕造軍衣倡言無論是何漢兵必當竭力攔阻且代理商上勒令交卸專任數私人主持諸事狂悖難以盡述又聞英遣兵三千入藏朝佛已飛飭密查並飭商務委員明詢英員得覆即當同奏總之藏事急矣我事皆失之緩若不派大兵速來則事愈不可爲趙大臣謂宜破釜沉舟與鄙意正同現在豫已派弁往迎鍾軍並詳查沿途情形請電軍機處豫初一日等因查藏兵尙不足慮若有俄暗助則其勢愈大再加英俄交關更難收拾應否先向英俄兩使詰問令勿干預並請示廟謨以資應付謹請代奏再趙爾豐來電已遣兵暗至察臺彼處安帖並聞爾巽初九

日九月十一日西藏檔

外部致俄使廓錦齊鐵路借款事係中國內政他國人
不必過問函

逕復者准來函以錦州府至齊齊哈爾鐵路一事仍請見覆有無借英
美兩國款項建造該路之舉等因查錦州府至齊齊哈爾鐵路英美兩
國商人願借款興修實有其事惟現正籌商尙未定議然此事關係中
國內政他國人可以不必過問茲特作爲私交聊以佈達即希貴大臣
查照九月十一日錦齊鐵路檔

錫良程德全致外部日伊藤來游東省謹陳晤談情形

函 附語錄

本月初十日日本伊藤公爵前來公署答拜經良等延入秘室並邀曹

左丞入座晤談兩點半鐘之久良等所言大致以維持東亞和平推重伊藤並將此間交涉事件擇要提議伊藤大旨則謂東亞大局關繫皆在中國內政二十年以前早經告知中國即甲午以後日本亦未嘗無退讓之心以待中國自強乃至今仍無進步其語氣直隱以朝鮮視中國而急圖進取之野心尤流露於言表陰謀密計禍至無時思之可爲悚慄良等籌邊無狀負罪滋深惟有痛自責懲勉支危局伏乞鈞部諒察外情默爲籌備審度時變內外協持大局幸甚除函達軍機處外謹將問答節略鈔呈鈞覽伏維垂察

九月十五日東三省檔

謹將九月初十日上午十鐘會晤日本伊藤公爵問答節略呈覽
良云貴公爵名望素著於東亞大局關心最切平日維持亞東和平

之局我們素所欽仰日俄和約所載不侵中國行政權及不妨各國均等主義即爲貴公爵夙昔所主張今日游歷來此於東方和平大有關繫全球所注目我們願聆高談

伊藤云我於貴國大計用心籌畫不自今日始溯自光緒十一年即與李文忠相見切告以兩國之關繫貴國總須力圖變法自強方可共保東方之和平披肝瀝膽力爲陳說文忠頗以爲然迨光緒二十四年又游貴國晤見北京親貴大老告以亞東之大勢兩國之關繫貴國亟宜變法圖存方能有濟當時諸親貴大老咸以爲然允爲變法不意未嘗實行以至於今日我甚惜之現在貴國方悟非變法無以圖強近年來始行新政我甚願貴國事事求根基穩固政府須擔